



Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Broj: 08-01-04-19106/26
Sarajevo, 02.06.2026. godine

OPĆINA VOGOŠĆA
OPĆINSKI NAČELNIK

**Služba za privredu, integrisani lokalni
razvoj i društvene djelatnosti**
Ul. Jošanička br. 80
71 320 Vogošća



Bosna i Hercegovina Federacija Bosne i Hercegovine KANTON SARAJEVO OPĆINA VOGOŠĆA OPĆINSKI NAČELNIK			
Datum: 15-06-2026			
Dig. pod.	Klas. oznaka	Redni broj	Broj kopija

N/p Jasmina Fazlić, pomoćnica načelnika

PREDMET: Odgovor na vijećničko pitanje broj 16/1, dostavlja se
VEZA –Vaš akt broj: 03-04-171/26 od 13. aprila 2026. godine

U vezi Vašeg akta, broj i datum veze, a koji se odnosi na upućeno pitanje na 16. redovnoj sjednici Općinskog vijeća Vogošća održanoj 31.03.2026. godine, od strane vijećnika Faruka Turkovića (u ime Kluba vijećnika SDA), kojim je između ostalog pitano, da li su Vlada Kantona Sarajevo, Ministarstvo finansija Kantona Sarajevo, Ministarstvo pravde i uprave Kantona Sarajevo upoznati sa presudama Ustavnog suda Federacije Bosne i Hercegovine koje se odnose na oblast komunalnih taksi, dostavljamo Vam odgovor kako slijedi:

Ustavni sud Federacije Bosne i Hercegovine je donio Presudu broj: U-61/23 od 18.02.2025. godine, („Službene novine Federacije Bosne i Hercegovine“ broj 22/25) kojom je utvrđeno da član 2. tačka 3. i član 23. Tarifni broj 3. Zakona o komunalnim taksama („Službene novine Kantona Sarajevo“ br. 14/06- Prečišćeni tekst, 34/07, 2/08, 31/12, 36/12 i 28/18) u vrijeme važenja nisu bili u skladu sa Ustavom Federacije Bosne i Hercegovine.

Ustavni sud Federacije Bosne i Hercegovine je navedenu presudu dana 18.03.2025. godine dostavio Skupštini Kantona Sarajevo, Predsjedavajućem Skupštine Kantona Sarajevo.

Ustavni sud Federacije Bosne i Hercegovine je donio Mišljenje broj: U-6/25 od 09.04.2025. godine, („Službene novine Federacije Bosne i Hercegovine, broj 33/25) kojim je utvrđeno da:



„a) Kantonalne skupštine, gradska i općinska vijeća na teritoriji Federacije Bosne i Hercegovine koje propisuju obavezu plaćanja komunalne takse/naknade za isticanje firme dužni su u razumnom roku iz svojih propisa ukloniti odredbe kojima se propisuje komunalna taksa/naknada za istaknutu firmu i utvrđuje obavezu plaćanja komunalne takse/naknade na istaknutu firmu.

b) Svi organi uprave i sudovi u Federaciji Bosne i Hercegovine, dužni su prilikom odlučivanja o obavezi plaćanja komunalne takse/naknade na istaknutu firmu, postupiti sa ovim mišljenjem i ne primjenjivati propis kojim se utvrđuje obaveza plaćanja komunalne takse/ naknade na istaknutu firmu.“

Poštujući navedenu Presudu Ustavnog suda Federacije Bosne i Hercegovine i Mišljenje Ustavnog suda Federacije Bosne i Hercegovine, Ministarstvo finansija Kantona Sarajevo pristupilo je izradi Prijedloga izmjena i dopuna važećeg Zakona o komunalnim taksama („Službene novine Kantona Sarajevo“, broj 8/22).

Prijedlog Zakona o izmjenama i dopuni Zakona o komunalnim taksama, Vlada Kantona Sarajevo utvrdila je Zaključkom broj: 02-04-56218-2/25 od 11.12.2025. godine, nakon čega je materijal upućen u skupštinsku proceduru, po skraćenom postupku. Materijal još uvijek nije razmatran na jednoj od sjednica Skupštine Kantona Sarajevo.

Prilikom donošenja Zakona o komunalnim taksama („Službene novine Kantona Sarajevo“, broj 8/22), izvršeno je niz konsultacija sa Savezom općina i gradova Federacije Bosne i Hercegovine, nakon čega je Skupština Kantona Sarajevo usvojila Zakon o komunalnim taksama, a kojim su utvrđene sve vrste komunalnih taksi i način uplate.

Općinama je data nadležnost da svojim aktom utvrde kriterije i visinu takse za obveznike koji su registrovani ili posluju na području općine.

Prijedlog Općine Centar, kao i svih drugih općina, u periodu izrade Zakona, da se Zakonom definišu kriteriji i visina komunalnih taksi, kako bi sve općine imale iste kriterije i visine taksi, od strane Vlada Kantona Sarajevo nije prihvaćen.

Tada je dato mišljenje da će općine-općinska vijeća iskoristiti svoje zakonsko pravo dato Zakonom o principima lokalne samouprave u Federaciji Bosne i Hercegovine, te svojim odlukama i uz konsultacije sa poslovnim subjektima na svom području najpravednije utvrditi kriterije i visinu komunalne takse (komunalna taksa je prihod općina, odnosno gradskih općina i Grada).

S poštovanjem,

Dostaviti:

1. Naslov
2. Stručna služba Vlade Kantona Sarajevo
3. Evidencija
4. a/a

Akt pripremila: Lejla Elezović
Akt pregledala: Berina Filipović



Adresa: Maršala Tita 62, 71 000 Sarajevo
Tel: + 387 (0) 33 565-005, Fax: + 387 (0) 33 565-052
Web: <http://mf.ks.gov.ba>, E-mail: mf@mf.ks.gov.ba